

آخر شعرة من الليل

شعر

سمير البحيري

خول أدبية
سلسلة إبداعات أدباء الشرقية
تصديها محافظة الشرقية بالتنسيق
مع مديرية الثقافة

برعاية كريمة من سيادة المستشار يحي عبد المجيد محافظ الشرقية تحول حلم الأدباء إلي واقع ملموس ، وها هو الاستثمار الثقافي ينتقل من حيز القول إلي ميدان الفعل لتخطو على درب الحركة الثقافية والأدبية بالشرقية (خيول أدبية) ذات صهيل شرقاوى أصيل . تعزف على أوتارها تنويعات إبداعية في مختلف ميادين وفنون الأدب العربي . ولاشك أن هذه السلسلة الأدبية الجديدة سوف تحدث أثرا طيبا في تفعيل حركة الإبداع الأدبي والفكري في محافظة الشرقية الغنية بأدبائها ومبدعيها كما كانت على مر التاريخ .. حيث قدمت أعلاما استطاعوا أن يبرزوا الوجه الثقافي والحضاري لهذه المحافظة العريقة أمثال يوسف إدريس وصلاح عبد الصبور وعزيز أباطة ومرسي جميل عزيز ود. محمد مندور .. وآخرين .. حق لنا أنا نفخر ونفخر بهم ، وأن نقدر بمن على دربهم يسرون بخطي وثقت في طريق الإبداع الإنساني الهادف والنبيل . كما يحق علينا أن نفخر بقادتنا الذين يؤمنون بمنظومة العمل الثقافي في تنمية وتوجيه فكر مجتمعنا .

يطيب لي أن أنقل شكر وتقدير الأدباء لقائد مسيرة التنمية الشاملة بالشرقية على هذا التوجه الحضاري والذي يؤكد على صدق إيمانه بأن الاستثمار الثقافي أعظم استثمار قومي للوطن ، تواصل مع من يرسمون وجها مشرقا لمستقبل الثقافة والإبداع في مصرنا الحبيبة .

والله الموفق والهادي إلي سواء السبيل

فتحي عقل

مدير عام الثقافة بالشرقية

خبول أدبية

سلسلة غير دورية

تعني بنشر الإبداعات الشعرية

شعر (آخر شعرة من الليل)

سمير البحيري

الطبعة الأولى

مارس 2006

موت
إذا كنت مشه قادر تحوش
سه القلم مع
الورق

سمير البحري

_____ آخر تلكس _____

كل اللى باقى بعثهولك
فى الظرف وارجوك :
احضر حالا قبل اكنين المكشوفه ما يضيع الأمل
اللى عايز ينسى بيقطع الصفحت كلها والكتاب المفتوح
كل النقط على حروفه مهما اتعددت كل اللغات

خبط .. لو فصل بينا

كل اللبالي تبيخ

تعالى
يا طفلة بتعلمنى أحضن
بجسمى الشوك
عشان الورد يحميكى
دا انا باشكر قساوة قلبك الميت
عشان قدرت تخلىنى
بكل الحب اكون عايش
واختى الحب يغريكى
يزور أسمين على شجرة هوى
طارح نبات أخضر
فى يوم سمّوه علاج للعاشق المختار
" نبات صَبَّار "

وخذت الشوك عملته حجاب
بفرع طويل طويل لبلاب
وقبل الليل ما يندهلك
في ساعة شوق
وقيل الفجر ما يدلك لأي شروق
أكون واقف بين الوقتين
باسم قلبي للرايه اللي أنا باحلم
سنين عمرى أشيلها ف يوم
واعشش بيها على روى
وأقولك وبجميع نبضى :
خلاص روى
زمان العشق لما يولى
ما يخلش ولا ذكرى
يدوس العمر لو نبت ولو فكره
تراوده لوقت كان شارب مرار الزيف
ويشرب نخبه كالبلسم
ويقرأ ف سيرة العشاق

عشان يقدر بقلبه يطوف
على قبرك
ويقرأ الفاتحة لحضورك
في صورة نعش
متوشح بزى ستان
في يوم كان عود
بينقش ورد ع الفستان
وانا اللي اخترت أكون أنسان
على صدره النيشان أخضر
عشان قادر يحط البسمة
ع الأحزان
ويتخلص من الأوهام
في صورة عشق
كان شارب من البهتان
ويفضل زى ما هوه
عرين للحب والقسوه
يكون طاير كما الكروان

ولا يعرف أنين ولا نوح
ومهما العطر منه يفوح
يروح راكب سفينة نوح
ويرمى الدنيا ورا
ضهره

غيرتني الكلمة من ملمح بسيط
أنى أشوفك غصب عني وأقول كفايه
حتى لو كان بينا التداخل أخطبوط
ح أقدر أفصل نفسي عن خط البداية
وأقرأ أحلامي اللي ما تتبا ختباري
واتولد زي الشرائق من قراري
وابقى نسج جديد مالوش في الوهم زي
بس فوق رحلة كياني الطو ضي
مش بعيد أبقى اللي عايش جوه نفسه
مش جديد أعلن تناري لخوف واحسّه
والرجوع للذكرى أصلاً طعمه واحد
يوم شربته ف كاس مودّه

مالوش أمان
بس خدنا خلاص على الكره المعتقد
لما سحرك مات وخلي القلب ينطق
باللي كان محبوبس وخايف يوم يقوله
وانتهى من رسم كل الأيديه
وانتى والأحزان وجسر الخوف
وأحضان الكأبة
كلكم فاصل درامى
صوته طعم جديد ومصنوع من كلامى
أنما التغيير بيهوى الريح تشاور من بعيد
تفتح الأسرار فى نهر العشق قاصده
للى راح عن رغبه يختصر النهار
يحضن الليل اللي زارع وردة فيه
حتى لو رفضت أيديه
كلمة الودّ الأخيره

وامبارح فات
واحنأ بنتحجج بالوقت
والوقت ساعات
اما يكون مستعجل ينسى امبارح كله
ما يدلّه الا الصوت الطالع من الانقاض
وانتى بتعيدى بناء الدنيا من الصدمات
والليل كان حافظ ترتيب المواعيد
وانا واقف باستطعم ردك بجنون
وان النور الصادر منك بالاشارات
كان بيلمحلى ما اجيش فى ميعادك تانى
يا بدايه بتبدأم الحكايات
أنا كنت باغير طعمك بيكى وادعيكى
تشوفى مواتى بنورك

يوم ما باطارد في جموحى
يا أكبر من روحى :
مفيش فى الحب ساعات مولوده
وساعات مفقوده
وانتى أيامك معدوده بحضورى
خايف لا تزورى وتشاورى على
يشوفنى الناس زى التمثال
المنصوب فى الزحمه
مورى من كلمه .. وهاتى على لحافى الأبيض
غطينى بالنور
ولا كل بنات الحورح تشوفك مئى
ما انا أصلى باحطك فى الننى
وانتى .. فى سؤالك عنى
بتجبنى من باب الشفقه
وانا حاضر ورا كل ميعاد
كبقايا رماد
وامبارح فات

بعد طول الوقت

فتحت

لاقيتك شاغل دماغك بالصمت

ما اعرفش ليه في البدايه حسبتك غلط ؟

ما اعرفش ليه

كل شيء اختلط

وتضيف كل شيء للظروف

واللى مفهوم عن طبيعتك

ومعروف

أنك غريب بالنهار

صديق للندم بالليل

من أخلص اصحابه

مع أنه ما بيصدّقش حد
ولا بياخد الأمور جدّ
ويفتكر عند أول طريق
ترجع منه فاضى
ورّد خدوده عشان يشوفك
دمر أمانه عشان يجيلك
وانت واقف
بتفرّج على الساعة
والساعة من ساعة لساعة لساعة
وبيفرح فيك عشان عارفك
بتدلق أسرارك على الورق
من غير حساب
وبتقدر تنسخ مليون كتاب
بيجر جرك سن القلم الصغير
لمزاجه الحاد
تتهجى وجع المدااد
بين اللى بيشتريك بالذهب

وبين اللى بيعبك فى المزاد
ح افضل احاربك كل يوم
لحد ما اهد السد اللى بينى وبينك
يا تموت فى خوف
يا تقوم تغير
مسار الوقوف
لبكره اللى فات
ياواقف تعاير عيار المزار
اللى انت خدت على
حلاوته

والعيون بتبص لفوق
والقلوب مشدوده لتحت
والخيال بيرقص مع الخوف
والموسيقى بتعشش في الهوا
والخرايط بتتعلق على المنيه
والكلاب بتنبج على الفاضى
لرسمتك صوره ملهاش حدود
معدومه جوايا من كل الوجود
وغيرت لها الجلد الناعم
والفرو الداكن
اللى لبساه بشرتك
حضرتك لا بيضا ولا سمره
ولا بتشر من مسامك أى حُمره

رجعت ليه افتكرك ؟
أيه اللي ودّاني للخطر ؟
وانا زى طبقات الجليد
طبقت مشاعري ع الجمود
واقف ليه بانتظر ؟
والغليان بقي تحت الصفر
وهيه يادوب رحله واحده للعمر
وانا نويت الغفران
ولا ح اروح للمكان اللي حافره جوايا
ولا ح احاول اتكهرب لأي غايه
قفلت في وشها الزمن
ومهما الأزيز ح يناديني
ومهما البحار ح تراضيني
ح اركب سفينه لقيت فيها الأمان
لوحدى
وانا واقف هنا مستنيها
وقبلت التحدي

فضلت اكتب
على أيديك
كلام الحب
مما الليل خلص كله
وطبقت الساعات البيض
وفصل يدور ورا فصله
صاحبت الليل
عشان يعرف ميعاد البعد
وليه افضل بعيد عنك؟
وانا حالف ما غيرك حد
يقول أنك نويتى غياب
ما لو ش آخر

لأول مره ادوق الفرح فى غيابك
لأول مره ازور الجرح لو سابك
وشوفت اللون حقيقه بجذ قدامى
وابات فرحان
عشان فصلت أوها مى
وخليت للغباء معنى
وأن الوقت واستغنى
عن الكذب الى انا اصبحت سجانہ
واصون أحزاني طول الليل عشان كلمه
عشان خاطرك
وابات مرضى
ورغم انك كثير ضدى
لكن للفجر شوق لحظه
نشوف الفرق بين الحب والعزہ
واعود لكتابك الى رسمته بأيديا
طويت صفحاته
وقت ما عيني مش فى

لكن دلوقتي انا صاحي
بانا قش ليلي صباحي
واشوف اصغر تفاصيلك
وبعد ما فكرى يتصنى
أجيب غربالي والمصفه
وابات انخل على مهلى
واحط عينيا على جهلى
وادوس على كل ما فاتنى
فى وسط الليل وشتتنى
واجيب الكفه والموازين
وأقولى :
خسرت يا اعمى العين
" كفايه العمر ضاع منك "

واذا اتعلمت
اصحيك جمال الورد
قوم صلى
تراب العشق يامخزون
بيان فوق ليلك الأصلى
ولا تغلب بنا ت حوا
ولا تحضر بدون دعوه
وسهم العشق لو صابك
فقول لعيونك المجنونه:
"تستهلى"
ده كان ييسمى قبل دخوله
دار الشوق

ولا يغلط في عنوانه
اللى ضاع منه
ويتوسّن ورا الأحلام
ساعات غفوه
عشان لا يشوف ولا يسمع
ولا يغتاب
ولا يحتاج يتوّج عشقه بالألقاب
هنا في الأرض
ثوب الحب ورداني
واذا غيم عليه الليل
غريب في الضلمه وحداني
عراه في الأصل لو قابلوه
يسوء بدنه
واذا مسّوه
يعزّوا الكسوه من زمنه
يا نار الحب يادقاية العاشقين
بتمشي الأرض سايبه الورد

كله ملين ؟
وتوب الحب متجسم على الأخران
لا شاف لا نزار ولا بات يوم
فى بيت عروه
ولا قنت فى كبد المعنى
أوصافه
ولا رسم الخريطة البكر
أو غير فى أعرافه
يغور عيش الهنا الأبيض
إذا كان بالتراب معجون
وسيب العيش لخبازه
ولا تقيس المسافة النائية بالشبرين
جدار البيت إذا شدوك وبالوتدين
خيار أفضل من العاجز عن المشوار
وخاف من بكرة
لو سابك على العكاز
وأديك شايف وليك بصرين

مادام عشق اللفا الخاطف
خلاص انهار
يفوت اسبوع
يفوت اتنين
ولا واحد رفع تليفون
وقال : مالك
حصاد الأرض لو ورق
فى أرض البور
لكانت أرض تتبارك
بوحى النور
يا طائر طير على نعشك
وتنى وراك
لحد ما اشيل جناحاتك
واركلك جناح مكسور
عشان ما تشوفش
غير نارك
وبندولك معايا يدور

يقوم صاحبي يلقى الحلم
زى ما هوه ما اتغيرش
وانا باجمع فى حلم قديم
ما شافش الدنيا من عميرين
وطافح دم فوق جلدى
وانا ضدى
فى وقت ما احس
ان الفجر شهقة نور
بتتعا جب على خدى
صدى امبارح
ما جاش من أول امبارح
لكن لما الزمان يقرأنى
وقت ما اكون انا غايب

ألا قى الدنيا قبل الحلم بتعدى
أيا نايم فى حضن الليل على الأطراف
مفیش ما نع تقوم تتعلم التراتیل
عشان تقدر
فى وسط إيامنا دى تهدى
وتتفاجئ بأنك حى بتسلم على الأموات
وتتعشى ف نجوم الليلع الأحلام
على كيفك
أكید بتشدك النبضات
لطعم الحلم وتحاصره
ولا قادر كمان تتمشى فوق سوره
وتتألف كما لو كان
الحلم دا صاحبك
يجيلك وقت ما العراف
يكون نايم
كلام الحلم كان بيمر
فوق صفحاتك البيضاء

يلاقى الورد كان
منفوش على صدرك
فيندهلك
تمدد جسم غير جسمك
ما تحلمش ان لسه الدنيا
فضيالك
ولا يخطر على بالك
كلام مدهون بطعم الليل
ها تحلم بالمداد الاسود
يدندن فوق سطور دهبى
أكيد غايب
عن الورق اللي متسطر
عشان خاطرك
عشان ورقة مرار بيضا
بتحلم بيها تكتبك
حروف من نار
ورق مكتوب

بدم وريدك المخبوق
يكفى الدنيا ويزيدها
قاموس مكتوب بكل لايديك
ومن حرفين
تنوه الدنيا في شروقه
وأديك حارس لنغماته
وبتردد صدى صوتها
تحس النبضة من فورانها
في خفوتها
تقوم من حلمك المشنوق
نبىذ أحمر
يا آخر من بيتعلق على الصفحات
ولا ينزل عشان كلمه
انا ح اكتبلك البسمه
لكن لما القلوب تصحى
لو انت مرابه فى
الصفحة

ولا ح تفكّر
تبقى الرايه البيضاء لحد
ولا تتصوّر
يبقى لأمانك ملك لغير
أصلك عايش معظم وقتك
رحلة طير
يوم بيحط على الأشجار
يوم بتميل
تنسى وتشرب
م الأنهار
يوم بتشيل
راسك على كتفك

لما الحلم بيا خدك كله
ورا التفكير
يوم تتصوّر شكل الدنيا
وتحلم بيها
لما يبطول عمر الثانيه
وتغرق فيها
ولا عاجبك أحوال الناس
لما بتغرق في الأحساس
وتقرّب زى المتخدّر
تتحجج بالقرب الا خضر
وانت ف بر ما شافش الثاني
على آخر هامش أنساني
قشّة العالم بالكاد
وتصاحب في الليل الطيب
المنفى ف زمن الأحقاد
والخايف من حلمه اليانس
لا يسافر للحب بلاد

والناس الحاضرين مش ناسه
راح منهم يعلن أفلاسه
من عايش بيا حصر نفسه
بالكره الدفیان فی ملايسه
وبيكره لو واحد شافه
لا يسبب الأخلاق وينافسه
ولا ساكن ولا سما ولا أرض
متعلق في الخوف بالعرض
أنا أسف لوجودك كله
تستاهلك اللى جراك
مكروهة العين اللى
تشوفكو السكة اللى تقرب طيفك
مش عايز أنفاسك
" غوور "

قبل دق الطبول
علّمني اطيّر مر الفرح
ولاً ناوى تغير جوابها الحدود ؟

آيات الحضور

إلى روح الشاعرة ليلى محمد على
زوجت الشاعر الدكتور يسرى العرب

والخزن كله يبعثلى
فوق صرح نعشك
كل الوجود يا ليلي يسرى ومش باغشك
صحيح مش ح أقدر اوصلك
لأنك فوق
صحيح مش ح أقدر اوصفك
مرار الشوق
لكن ح أقدر بكل بساطة
أكون عايش كما الميت
ولا شايف
ولا حاسس

ولا عارف
بأن الدنيا كل ما بتكبر
وتتنفس هوى روحك
باموت مخنوق
جناح واحد من الجناحين
اللى انا بادق جواهرهم
ما بين حضنك
براعم شمس تندهلى :
يا لاعمى العين
وليه تفتح ؟
دا انا جايا لك افتح لى
ضناني الشوق
وافتح عيني
آلاقي الموتي
بيحاصروني
حاسدينك
يقولوا ازاي

تسدّ بعينها
نور الشمس
وتدقّ فيه ؟
وعايشة بتحري
جوه الدم تشرق فيه
ولا ح يشوف
بنورها خلاص
ولا ليلي
حيطان الدنيا من حواليه
بقيت مايله
وجاها آوانها
ما تسترش نار قلبه
ويتردد صدى صوتها
عشان يحكي
الحكاية الأولى
من موتها
خلاص العاشق الجوّال

مسح بالأرض سكّتها
وكل ما تقرب المسافات
يلاقى سراب
يقول ياموتى حاسدنى
على النور اللى انا
ما قدرت افّتح فيه
يغور الليل ولو طال
جميع لياليه
دا انا ما طلبت
غير لىلى
وياخدوا العمر مش عايزه
دا انا سامع فى بختها
آدان الصوت
دا لسه نداها جوايا
يقول : يسرى
ويسرى خلاص
ياللى خلاص

دماہ مقتولہ
ما بتسری
یا کلمۃ بتفضح المکفون
علی سرّی
کفایہ تہلّی
لا ح اسکم ولا اتکلم
وتیجی تسیبی
عینک لی واتعکم
حروف النار منین تبدأ
وانا ح اخرج علی المبدأ
رجولۃ آیہ تساوی الوحده
فی الموازن
دا انا مقتول
ومات العمر فی سنین
یادوب زی السراب ماشی
باغطّی بجلدی نار قلبی
وناس بیقولو ا :

كان يُسرى
يقولها كثير كثير :
عجبي
بقيت أعجوبة للمشايين
بانا جي الموت عشان خاطر ك
غلبتي الدنيا ونسيتي
ان انا وحدي
وانادي : يا ليلي
" ما تردي "
دا انا قطعت م الحرمان
جميع جسدي
عشان اتغطي بوجودك

كان يعلق جرس الحب
على الأبواب
ويغني لبكره
كنت بأقوله:
استنى شويّه
وكان بيطارد في الفكره
عمره ما كان يمسك
على غلطه
كنت باخاف من أيده الفرطه
كان بيقولي :
حصاد الحب يدوم لسنين
شنطة سفره
سابت لي الحسره
مع الغاييين

يوم ما شربنا وعم المجاي
الشاي ع القهوة ف عز الفجر
ف قلب التل
يومها الليل الأسود الاعمي
كلامه اختل
كده يا عصام بتسينا وتمشي
لا لون ولا شكل ؟
يومها عرفت ازاي
في شها متك معنى الأصل
أغلط مره وقول للموت :
استنى شويه
دا انا يا حبيبي غيا بك عندي
يساوي الدنيا
ومش ح اتعلم غير حرفين
فوق الصفحات
سر الحب لغيرك أولى
ف دنيا موات

شوفت ازاي
انا بـاـقـدر اخاطبك
عايز اسمعك وانت
بتهرب وسط قلوبنا
دا انا مش عارف
مين يهديني لباب فاقوس
مين ح يقولى النكتة الحلوة
يا أغلى جليس
كثير خيرك
وانت ساييني
فى وسط الزحمة
وسط مشاعر
ناسيه تقوت من بتب الرحمة
ألف سلامه يا قلبى يا غالى
مين من بعدك ح يقولهالى
وانت يا شاعر فى
البسمه

رثاء الشاعر

إلي روح الشاعر سراج الدين موسى
من الرفازين شرفيت

وح تعنى
ياريتك مرة تسمعنى
تشوف الأرض ليه بتبكي
وبس انت اللي بتعنى

" حبك على طول المدي
بين الضلوع والأورده "
يا عمري ياللى فرقتك
نار الألم والموجد
كلمة هناك
بعدت لك
كالقلب سلم بالقضا
يارب ليه تطفى السراج؟
ياريت مكانه ف جنت :

نهر البكا ما يبلى روحه الطيبه
صبرنا وافتح رحمتك
أهمته أنغام البيان
وجعلته هادى لأمتك
ما تقولى مين ح يكون له
حظك فى الكتابه
ميت اللى يقدر
يوم يطير فوق الربابه
يا لى انت راكب
فوق سحابه
ومطرت غنوة فراق
ما تخلقى كل الناس تشوف
نور السراج
من يوم ما طاف
الشعر بىك أرض وسما
خلّيت جميع الطير
يهاجر صوته الآخرس

وانت اللى صوتك
كان حلاوه منعّمه
ح يطول عذابنا فى انتظارط
جّى أمتى ((؟؟
ولا البقاء
لله خلاص
مع ان البدايه لسه ما جاتش
لكن عرفت ان الصفر هو الكره الأرضيه
ومش عارف
أضحك
ولاً
فيه أختيارات ؟

خلاص خلصت
طفينا النار وريحتك
وخليتك بطل أول
كفايه بقايا من ريحتك
نشم عبيرك الأطول
مرآة كفك المقلوب
كفيلة ف حلمها توصل
وانا عارف وشايف ليلك امبارح
سفينه لجرح متأصل
وح افرشلك سماك بالورد
واطيبط مشاعر الود
اعلقك مواويلي

تدوب في القلب
قبل الخد
واعمر قلبك الخاوي
كفايه بدمي أقتولك خد
ولا ح اتعب معال قلبي
ولا نوصل لآخر الشد
وكل صحيفة احطالك
نموذج حي
لامثالك
تنوح زى الغراب الاعمى
وتروى الأرض أعمالك
يا أول من :
يعلمنا البراءة ازاي
وحاذر لو تقول: أسف
ونستاهل زماننا الجاي
عشان نعلم ببركاتك
وطول الكشف لامواتك

ياريت نشرب معال الشاي
وهات كل التراب فوقنا
وانا احلفلك اذا فووقنا
نقوم نعدل مسار أيدك
نشوف فيها الخريطة البكر
وآيات الطريق المُر
أمون يحضر على بخورك
نسينا الله
فغيرنا
عشان نفضل
جناح طيرك
وقالو لنا الجبال وقعت
فقولنا خلاص
" مفيش غيرك "

كنت باحس الحب ف كلمة
واما الكلمة طويتها الريح
روحت ابعتك عمرى الغاضى

يا سعادة البية :
أنا ح اُحلف ما مسّتها
ولا قرّبت سكّتها
أنا ضحّاني ليل نايم
وجات على روجي مسكتها
وقام فيّ الفرح زغرد
وناري وناورها لم تبرد
حذاري يا بيه:
تخش عيون بتحدف شوك
حذاري ترش تحت الجلد
نار أرجوك
دي واخدهنها ري

فِي عَيْنَيْهَا وَبِتَدْفِيهِ
وَوَاخَذَهُ الْقَلْبُ
سَجَادَةً صَلَاتُهَا يَا بِيهِ
دَا أَنَا لَوْ عَلِمِي
أَنَّ الرُّوحَ بِنَدَخْلِ تَلْبِسِ الْأَبْدَانِ
دَا أَنَا لَوْ عَلِمِي أَنَّ الشَّمْسَ
جَائِيَةً بِتَمْسَحِ الْأَحْزَانِ
مَا كُنْتُ جَرِيْتُ وَرَاءَ الْحَرَمَانِ
عِشَانِ ارْتَحَاجِ
وَأَنَا اللَّيْلُ اخْتَرْتُ اخْشَى الْبَرْدِ
مِنْ بَابِهِ
وَالْفَ وَادُورَ فِي أَعْصَابِهِ
عِشَانِ مَا يَجِيشُ
يُورِطُ قَلْبِي فِي الشَّطْطَانِ
وَأَيُّهُ يَعْنِي الْمُسْفِنَ تَغْلُطُ
وَتَرْسِي فِي قَلْبِ ضَاعَ بَحْرِهِ
حِ اخْأَفُ مِنْ أَيُّهِ ؟

وقلبي خلاص دفع مهره
هنا ضايح هناك ضايح
وحظي الطو ضاع بصره
لكن عندي البصيرة كتاب
تحس بهلة الأحباب
دي مش في العين ولا في النين
ولا في الرمش
دي زى غشاوة تدخل حش
ما بترحمش
فاكرني يابيه
بعيني النايمة مستها
فاكرني يابيه بروحي الهايمة
هزتها ؟
دي كانت سايبه عينها
وبس للحواديت
تبص تشد
تتصدع حيطان البيت

وراحت نازله م الدنيا وسياني
أعيد في بدايتي من تاني
وانا خدت الخان كفتي
فرحت خلصت من بدني
وح افشي السر للأوراق
وانا وحظي
يانار يا تكوني في رماد
يا يبقى المسن نار لحظي
وعارف ان برد الفرحة دمه ثقيل
ساعات ياخذ على التهليل
ساعات يلبس هدوم الليل
وانا في العشق يا بقی خفيف
بتترج البيوت تحتي
ما انا روجت لها لما غلظت في الطالع
وانا طالع في عينها لبره من يومي
وانا خايف لا يدخل صوتها
في همومي

يصحى الحلو من تانى
تشوقنى واشوقها شيفانى
بعيون خضره
وانا لو شوقتها باهرب
من الحسره
أسيبها تروح وتمشى يابيه
على دمي؟
ح ترضى يابيه
ينام الليل على عضمي؟
ده عمر الدنيا كله يابيه
فى زفرة أه
حياتى يابيه
دا انا ماسك كتاب الله
وياقرأ الآيه واحفظها
واعيد بدموعي الفاظها
وخايف قلبي يلفظها
ويافتح صدرى ع الآخر

عشان الكره يتاخر
تغور الأرض لو نشفت
من الأحباب
دى بتسكلم على عيني
بنورها الحى
وانا روحى خلاص نشفت
يابيه مالضى
وبافرش عمرى سجادة
ولحمى الحى
وح احلف:
بسورة الملك والأخلاص
أنا وهى ونار الكاس
بنشرب عطر م الأنفاس
لا سابنا نموت ولا نحيا
سنين العمر منتهيه
بحق الله تسيبنى يابيه
وبيت الله ومن زرتة

لا روجت لخوف ولا اخترته
دا انا خدت الأمان منها
بأقوم م الموت بلمستها
لكن عمري ما مستها
يابيه بالسوء
أنا سيبت لها ليلي أمانه
فى أيديها
دخلت خلاص أغانيها
عشان اهرب واروح ليها
وأقرب من نفسها هناك
تغور الراحة من غيرها
وانا طيرها

واخنا بيسمونا السلك العازل
بين طبقات الارض
كل بنغسل كل قلوبنا من النار الباردة
كنا ساعتها كبار
والواحد منا يفاصل دوله
ف كل ميراثها
من ساسها لراسها
كانت تفرح
لما تزين أسمه فى كل ميدان
تفرح أكثر لما بهل هلاله
وتغير عناوينها لعنوانه
عارفه ان لسانه

بيغسل كل عيوب المذن المفتوحه
والمذن المجروحه الملبينه ذنوب
تكبر من سيفه المرفوع
فى لسانه
لما يعلق كل حروف النور
فوق جدران الكعبه
يومها بتعرف كل الدنيا
أن المكنوب بحروف ملتهبه
هيه الصفحه الأصل
فى كتاب الغفران
وبتهدى قلوب ضللها العشق
الغرقان فى الموج
تتخلص من نعمات إبليس
مش واقفه وماسكة عصاية النار
تمسك ع الواحده
تعرف :
لما تشوفها ف عز الليل

ح تاخذها ونيس
واحننا
وف عصر الصورة وفصل الألوان
واحننا بنخرج برّه الكون
ونشوف الدنيا الغرقانه فى ذنوبها
ما اعرفش ازاي
بتشوفنا بنطول بالمقلوب
صدقنى
لو جيت ح افتحك قلبى
وح تدخل جوه السر الغامض
الى الدنيا اتولدت علشانه
واللى بسببه بنرتاح لوجودنا
واللى بسببه بنرسم كل حدودنا
لو عُدنا
ح نلاقى الزمن اللى خسناه
بقى مكسب يكره الجاى
من غير ما تقول ازاي

ما تقولى : ازىك ؟
ما انا أصلا منك
وح تصبح حباية التنى
اللى انا ما أقدرش اخلعها
وتعالى ولعها بالحب
صدقنى لو ينفع كنت كرهتك
دا انت مرايتى
اللى انا مولود من نورها
قرب واربطنى
بتيار الدم الحانى
قرب ح اسقيك وجدانى
دا احنا صدقنى شوية عضم
محتاج يترم
وكفاية الجفوه
ملياك باهم
صدقنى بكره من غيرك
ملهوش ولا طعم

فيها لو جتني
وشرينا مع بعض الشاي
ونرص قصيدتك وقصيدتي
على فحم القلب
وقعدنا نكلب
والنار توصلنا بتيار الحب
دا انت يا أقرب قلب
مخلوق علشاني
وانا مخلوق علشان الحب
لو فكّرت شويه
ح تلاقى قصيدتك وقصيدتي
زهقانة من الكذب
صدّقني ده العيب مش فينا
العيب في اللي
لايمسك ورقة ولا يكتب حرف
مقطوع من نسبه
واهو ده المطرود

من نور الحب
ما تقولش دى فرصة وتتكبر
عمرنا م ح نصغر
وانا وانت لا يمكن نخرج
بره الكون
فتعالى نهوى فوق فحم الحب
والقلب ح يكسب
مهما نكون

وانا جوه عينيها ف وسط الثلج
كان بياخدني القرص الابيض
للخرافات
كنت ياسيب للحب الباب
مفتوح على آخره
كنت باخاف لو حد يقرب
منى يتاخره
واهرب لا اخرج جوه النني
وابعد خوف جثماني يئن وافكر فيها
ما انا معجون في جنون الظن
عشان تنساني

جائز تعرف واحد تانی
لاشاف لا عینہا ولا المحيطات
ولا شال جسمہ ف یوم
علی کتفہ کشیل اموات
شالت کل حیطان اللیل
من خوفہا علی
کسرت حاجز قرص الشمس
عشان تمسکنی بطرف عینہا
بس انا عینی دخلها بارود
تمسک عینی بطرف عینہا
یفرط عمری کما العنقود
واشرب سم الحب واغنی
عشان تحرسنی
ح اکذب لو قتلکوا انها مولودہ
ف حضنی
کنت انا نایم یوم الجمعہ
وصوتہا ف ودنی

كانت تفتح تحت بطاطي
وصوتها يجلجل
كل ما اطاطى باشوفها اتخيل
روحي تسجل أحرف أسمى
ف كف أيديها
وأنا في عينيها باصلي العصر
كنت باخلص هود وياسين
من رجفة روي
تمسك في وتتأبطني
النور يملاني
وأما تبص يروح متلجلج
حرف لساني
وأروح منكّم تحت الشجرة
ترفع أيدها
وتقطف تاكل من غير وعي
بعد ما كنت ف وسط عينيها
باموت م البرد

نار تفاحة قرأت هفتنا نزلت الأرض
وانا من يومها بقيت متعلق
بس بقيت محتاج للبرد

الشاعر

- سمير عبد الله جاد .. الشهير : سمير البحيرى
- عضو اتحاد كتاب مصر
- عضو دار الأدباء
- عضو مجلس إدارة النادي الأدبي المركزي بالشرقية
- رئيس نادي أدب بليس
- شارك في عدد من المؤتمرات الأدبية في مصر
- حصل على درع وميدالية المحافظة من جمعية الزعيم أحمد عرابي ، وميدالية رامتان (طه حسن) ، وعدد من التقديرات من محافل أدبية بمحافظتي القاهرة والقليوبية والشرقية
- له خمس دواوين

فهرس

11 نبات أخضر
15 بعد إذتك
17 وشم الرد
19 بكره فات
23 بين الوصول
25 التفاصيل
29 العش
33 آخر شعرة من الليل
37 رايعين فين
43 آيات الحضور
49 رثاء الشاعر عصام بدوي
53 رثاء الشاعر سراج الدين موسي
57 تعالى انا اشوف لك الكف
63 كسر حواجز الصوت
71 مش ح اجيلك تاني
77 الميلاد

رقم الإيداع بدار الكتب

٢٠٠٦ / ٥٤٠٠

الترقيم الدولي I.S.B.N

977-374-172-9

دار الإسلام للطباعة والنشر

٠٥٠ / ٢٢٦٦٢٢٠

٠١٢٢٦١٤٣٦٣